



21-31

27105




N° 6-15

DISCOVERS  
DE LA RENCONTRE  
des deux armées navales, d'E-  
spagne & de Hollande, & des  
succès de leur combat, fait au  
destroit de Gibaltar le 7. de  
May 1607.



A PARIS,  
Chez Jeremie Perier, au Pallais  
sur les degrez par où l'on va  
à la grand salle.  
1 6 0 7.

THE UNIVERSITY OF  
THE STATE OF NEW YORK  
IN SENATE  
January 14, 1907.  
REPORT  
OF THE  
COMMISSIONER OF THE  
LAND OFFICE  
IN RESPONSE TO A  
RESOLUTION PASSED  
BY THE SENATE  
MAY 1, 1906.



ALBANY:  
J. B. LIPPINCOTT & CO.,  
PRINTERS,  
1907.



DISCOVRS VERITABLE  
de la rencontre des deux ar-  
mees nauales, d'Espagne Et de  
Hollande, & des succès de leur  
combat faict au destroiect de Gi-  
baltar le 7. May 1607.

**L**E septiesme du present  
mois de May, mil six  
cens sept, vn marchand  
qui estoit party ce mes-  
me iour de la ville de Madril est  
arriué en la ville de la Rochelle le  
seiziesme dudit mois. Et encor  
autre aduis est aussi venu par la  
mer des nouuellesqui disent, que

le troisieme iour de ce present  
 mois, Hás Kerc natif d'Amester-  
 dam, qui commandoit il y a trois  
 ans à la flotte des Indes, & pour  
 lors Admiral de l'armee nauale  
 des estats de Hollande, estant en  
 mer avec trente quatre nauires  
 de guerre. Et ayant eu aduis que  
 dedans le destroiect de Gibaltar,  
 le General de l'armee nauale d'E-  
 spagne y estoit avec six gallions  
 munis de soixante pieces de fon-  
 te, desquels galions, le moin-  
 dre estoit de cinq cens tōneaux.  
 Et aussi six nauires & douze gale-  
 res tous bien fournis de matelots  
 & soldats, y estans dans l'Admi-  
 ral, où commãdoit le fils du Duc  
 de sainct Lucas, de huiect à neuf

5  
cens hōmes, lesquels attendoiet  
à leurs nauires marchands, allās  
& retournans par ledit destroiēt  
de Gibaltar en Italie, se resolut  
es aller combattre, & afin de  
nieux executer son entreprinse,  
& les surprendre, separa son ar-  
mee en quatre, y creant à chacu-  
ne partie Admiral & Vice-admi-  
ral, & leur ayant fait oster leurs  
enseignes de guerre, il comman-  
da que l'on mist des pauillons  
aux vns, des armoiries de d'An-  
nemark, & aux autres celles de  
Dambourg, de Dansic & de Boe-  
ne, & que l'on fermaist les fene-  
tres des nauires où leur canon e-  
toit abouché, n'y laissant qu'une  
piece en veuë, pour salüer celles

des Espagnols comme en façon  
 de flotte de nauires marchands  
 qui prenoient la route d'Italie.  
 De laquelle entreprinse il s'ache-  
 mina vers ledit destroiët, y arri-  
 uant sur les quatre heures du ma-  
 tin, où se trouuant, il cogneut  
 qu'ils tenoient fort peu de garde.  
 Ce qui l'esmeut incontinent à  
 les saluer d'une furieuse batterie  
 laquelle il cōtinua iusques apre-  
 le midy. Et iusques à tant qu'il  
 eut veu mettre & submerger  
 fonds neuf nauires, sans qu'il  
 eut rien de sauué, & qu'il eu-  
 prins aussi trois des grands galiōs  
 desquels il fit ietter à fonds tou-  
 ceux qui estoient dedans les  
 dits galions, laquelle chose



esté faicte pour se venger de la  
mesme cruauté que l'an passé les  
Espagnols auoient faict à ceux  
qu'ils auoient prins dans leur Vi-  
ce-admiral: Pour le regard des  
galeres, elles se sont sauuees à la  
uite, costoyant la terre depuis  
le quatriesme iour du present  
mois iusques au septiesme. Au-  
quel tēps il est arriué six ou sept  
courriers au Roy d'Espagne à  
Madril, qui luy ont dōné aduis  
de ce qui se passoit de cest affaire,  
les deux derniers apporterent  
nouuelles que ledit Hans Kerc  
tenoit assiegé la ville de Calix, &  
qu'il la battoit fort furieusement,  
& mesme que l'on la tenoit pour  
prinse, qui a esté occasion que le

Roy d'Espagne partit ce mesme iour de Madril fort fasché, toute la Cour estant en alarme, & mesme la coste du pays estant en fort grand trouble, parce que outre les trois galions prins, & autres cy dessus, trois nauires Ostrelins chargez de toutes sortes de munitions de guerre qu'ils amenoient en Espagne se sont rendus à luy qui luy ont apporté beaucoup de commoditez pour ce siege, ayant la flotte à present quarante vaisseaux, ainsi qu'elle a esté recogneue; par le moyē de laquelle il y a apparence qu'il n'en a perdu au combat, ayant fait couler à fonds ces neuf vaisseaux sans les aborder.

Cela

Celà fait & expedié par ledit  
 sieur Admiral Hans Kerc & ses  
 gens sans vouloir perdre temps,  
 & augmenter l'honneur de sa  
 victoire, il c'est aduisé auant que  
 de donner à Calix de faire vn au-  
 tre stratageme. C'est qu'il com-  
 manda à ses gens de faire ache-  
 miner deux de leurs nauires, les-  
 quels iroient à la rade du pays  
 vers ladite ville de Calix, & y mar-  
 cher en façon de nauires, & fein-  
 dre estre marchands de Ham-  
 bourg, afin de voir si ceux qui  
 les pourroient venir voir, ne les  
 recognoistroient point. Ce qui  
 se fit si dextrement qu'ils ne furēt  
 aucunemēt recogneus pour leurs  
 ennemis: tellement que ceux du

pays les voyans arriuer, & pensans qu'ils fussent amis, & marchâds dudit Hambourg, les vindrent visiter: entre autres ceux de la iustice & Inquisitiõ lesquels furent aussi tost suiuis par ceux desdits nauires, qui les firent tous pendre aux antenes desdits nauires, & non contents de cela, & ayant fait faire cette expedition, ils font tous sortis de leurs nauires & ont couru les costes dudit lieu de Calix, où ils ont mis le feu en tous les bourgs circonuoisins, & rauageans tout, & se sont arrestez là pour l'effect dudit siege, duquel on attend plus amples nouuelles de l'execution d'iceluy, attendu que l'on est allé prō-

ptemēt au secours d'iceluy. Ioint  
 que l'on ne ſçait pas ſi ledit ſieur  
 Admiral Hams Kerc apres auoir  
 eu fait cette expedition voudra  
 retourner audit deſtroict, pour y  
 attendre la flotte que les autres  
 attendoient, ou bien qu'il vueille  
 reuenir en Hollande donner rai-  
 ſon aux Eſtats de ce qu'il a fait en  
 ce voyage : Ioint qu'il pourra a-  
 uoir eu en ce lieu nouuelles de la  
 Trefue que leſdits ſieurs Eſtats  
 ont faite pour huit mois avec  
 le Sereniſſime Archiduc d'Au-  
 ſtriche, & le Marquis de Spino-  
 la, qui donnera occaſion audit  
 Admiral de ſe retirer en mer avec  
 ſon armee, pour emmener ce

qu'il aura acquis au succès de la deffaicte, & de ce qu'il aura aussi cōquis en cel lieu. Voila en effect la verité que l'on a peu apprendre de l'effect & execution du contenu de la presente expedition.















15/

